

Mae gan Gronfa Gymunedol y Loteri Genedlaethol rolau hyblyg sy'n galluogi pobl i roi eu gorau, ehangu eu sgiliau a rheoli eu llwybr gyrfa. Ni fwriedir y rôl proffil yma i fod yn rhestr lawn o'ch dyletswyddau, yn hytrach mae'n rhoi amlinelliad o ddyletswyddau'r rôl. Bydd i fyny i chi i weithio gyda'ch cydweithwyr i ddatblygu a siapio eich gwaith yn unol â'n hamcanion strategol ac amcanion eich tîm.

Swyddog Ariannu

Ein swyddogion

Fel swyddog yn y Gronfa, beth bynnag yw eich arbenigedd, bydd digon o gyfleoedd i chi ar gyfer ymreolaeth a chyfrifoldeb. Byddwch yn defnyddio eich barn a'ch gwybodaeth i wneud argymhellion a phenderfyniadau, a bydd eich sgiliau wrth ddeall anghenion cwsmeriaid gwahanol, darparu adborth a chynghor, yn dod i'r amlwg. Ni fydd angen llawer o oruchwyliaeth arnoch gan eich cydweithwyr a byddwch yn arwain ar eich gwaith a'ch datblygiad eich hun. Byddwch yn ymfalchïo yn eich gwaith a byddwch yn dylanwadu ac yn cysylltu yn bositif gyda'n cwsmeriaid a budd-ddeiliaid yn fewnol ag allanol.

Eich rôl

Fel Swyddog ariannu byddwch yn asesu ac yn rheoli ceisiadau am grant gan ddefnyddio gwybodaeth leol, arfer gorau, arbenigedd thematig, a phrofiad cwsmeriaid a budd-ddeiliaid i wella ein trefniadau dosbarthu grant a hysbysu ein penderfyniadau. Gan weithio yn agos a phobl a chymunedau mewn ardal ddaearyddol sydd wedi'i diffinio, byddwch yn deall yr hyn sy'n bwysig iddynt a ble gall ein grantiau wneud y gwahaniaeth mwyaf.

Gyda chyfrifoldeb dros gefnogi pobl a chymunedau lleol bydd gennych ddealltwriaeth dda o'n gweledigaeth a'n cynnig ariannu gan addasu eich dull i ddymuniad y bobl yr ydych yn gweithio â nhw. Bydd hefyd angen i chi gefnogi ein budd-ddeiliaid, gan eu helpu i wneud cysylltiadau a fydd yn eu helpu i gyrraedd eu nod.

Gyda chyfrifoldeb dros brosiectau newydd bydd angen i chi ddeall ac ymateb i wahanol anghenion cwsmeriaid drwy roi cynghor ac adborth gofalus, a byddwch yn barod i gael sgysiau heriol ond adeiladol. Bydd Swyddogion Ariannu yn sicrhau fod ein rheolaeth ac asesiad grant yn chwarae rôl effeithiol yng ngwybodaeth a Dysgu'r Gronfa fel dosbarthwr grantiau. Byddwch yn rheoli eich llwyth gwaith eich hun, yn cydweithio gyda deiliaid grant, yn trefnu ymweliadau prosiect, adnabod a rheoli risg, cefnogi sefydliadau i gyflwyno eu prosiectau a mesur eu heffaith.

Bydd hefyd angen i chi weithio o fewn polisiâu a threfniadau'r Gronfa yn ogystal â'r ddeddfwriaeth berthnasol, ac mewn ffordd sy'n unol â'n gweledigaeth ag egwyddorion. Gan fod y rôl wedi ei lleoli yng Nghymru ac yn cefnogi cwsmeriaid a chydweithwyr yng Nghymru, bydd angen fod gennych ddealltwriaeth o ddeddfwriaeth y Gymraeg a Safonau Cymraeg y Gronfa.

Eich profiad

Fel swyddog, mae'n bosibl eich bod wedi eich dyrchafu trwy ein llwybrau gyrfa mewnol wedi i chi ddangos eich sgiliau a gallu arweinyddiaeth neu efallai eich bod yn ymgeisio o du allan i'r sefydliad. Beth bynnag yw eich arbenigedd, bydd angen i chi fod a dealltwriaeth o a chwilfrydedd am ein gwaith. Ymhellach na hynny bydd angen i chi arddangos eich profiad a chymwysterau yn y meysydd canlynol:

- Dealltwriaeth a chwilfrydedd am ein gwaith
- Dealltwriaeth o wasanaeth cwsmer gwyd
- Gwybodaeth am y cyd-destun ariannu ehangach
- Dealltwriaeth o gynllunio ariannol a chynlluniau busnes, y gallu i ddadansoddi cyfrifon a data rhifol, ac i adnabod a rheoli risg
- Dealltwriaeth o ddulliau wedi ei seilio ar gryfder wrth weithio gyda phobl a chymunedau i oresgyn heriau
- Gwybodaeth o'r amgylchedd polisi cymdeithasol a rôl y trydydd sector
- Yn hyderus wrth gyflwyno i amrywiaeth o gynulleidfaoedd allanol
- Y gallu i ddysgu o'n prosiectau a rhannu'r ddysg hwnnw er budd y sefydliad yn ehangach

Byddwch

ARWEINYDDIAETH & RHEOLAETH

- Yn frwdfrydig ag yn gweithio tuag at amcanion rhanedig, ac yn annog eraill i wneud yr un fath
- Wedi'ch ymrwmo i weledigaeth ag egwyddorion y Gronfa, a byddwch yn annog eraill i wneud yr un fath
- Yn cymryd perchnogaeth o'ch datblygiad personol eich hun drwy adnabod cryfderau a ble gellid ei ddatblygu, gan ddefnyddio adnoddau sydd ar gael i gefnogi hyn.
- Yn gefnogol o'ch aelodau tîm ac yn dangos diddordeb ynddynt, a byddwch yn datblygu amrywiaeth o gysylltiadau tu allan eich tîm i helpu i gwblhau'r gwaith.

ADEILADU PERTHNASAU GWYCH

- Yn rhwydweithio yn fewnol ag allanol, gan roi eich hun yn sefyllfa'r cwsmer a gweithredu ar yr hyn sy'n bwysig i bobl
- Cyfathrebu mewn modd onest a chysylltiol, gyda'r gallu i ddylanwadu a thrafod gan ddefnyddio dadlau da ac amrywiaeth o strategaethau i ddarbwylo eraill
- Yn gwranddo ac yn ymateb i eraill mewn modd gwybodus, gan gydnabod cyfraniad a gwerth safbwyntiau gwahanol

CYFRIFOLDEB PERSONOL

- Yn gyson chwilio am adborth a gweithredu arno i werthuso a gwella eich perfformiad eich hun
- Peidio â chynhyrfu o dan bwysau a gallu ymdopi a blaenoriaethau cystadleuol, gan gefnogi eraill pan fo angen
- Cymryd perchnogaeth a bod yn atebol dros eich gwaith eich hun, ac annog cydweithiwr i wneud yr un fath

CYFLWYNO

- Adnabod cyfleoedd i rannu dysgu a gwybodaeth a gwneud gwelliannau drwy weithio gyda chydweithwyr
- Defnyddio'r systemau a'r data sydd ar gael i chi i gwblhau eich gwaith yn effeithiol a gwella gwaith eich tîm
- Chwilio a dadansoddi gwybodaeth sydd ar gael inni, gan ei ddefnyddio i wneud penderfyniadau a chwblhau eich gwaith yn effeithiol.
- Ymateb i faterion a thueddiadau sy'n codi sydd yn cael effaith ar eich gwaith, neu ar y Gronfa
- Deall gofynion llywodraethu da a darparu atebion i risg a phroblemau.

Ein meddylfryd

- Rwyf yn angerddol am y potensial o ddyfarnu grantiau gwych
- Rwyf wedi ymrwmo i rwydweithio effeithiol ar draws y Gronfa
- Rwy'n gwerthfawrogi amrywiaeth a dyhead cymunedau a chydweithiwr gan adnabod yr angen i ddarparu cydraddoldeb a chyfle
- Rwy'n chwilfrydig ac yn chwilio am ffyrdd newydd o wneud pethau
- Byddaf yn gwrando, dysgu, darparu ac annog adborth a sialens
- Rwy'n gyfrifol ac yn atebol am fy ngwaith
- Rwy'n gweithio yn hyblyg ac ar y cyd i gwrdd ag anghenion eraill
- Rwy'n defnyddio gwybodaeth a phrofiad i rannu fy nysgu
- Rwyf eisiau gwneud y Gronfa yn le gwych i weithio

Mae'ch swydd yn perthyn i'r teulu	Ariannu	Eich cyfarwyddiaeth yw	Cymru
Eich dull o weithio yw	Swyddfa / Gweithio o gartref / Symudol	Eich templed rôl yw	Swyddog